

نومرو ۷۷

اداره خانه

ایستانبول، جفال اوغلنده

دائرة اجتهاد

Idjtihad Constantinople

دوردنجی سنه

اجتهاد

۲۲ آغستوس ۱۳۲۹

آبونه

سنه لك آلتی آیلق

تورکیا ایچین ۵۴ غروش ۳۰ غروش

ممالک اجنبیه ایچین ۱۵ فرانق ۸ فرانق

نسخه سی ۵۰ یاره

حریت فکریه یه خادم

پنجشنبه کونلری چیقار اجتماعی، ادبی مجموعه

مدیر مرخص : الرهامی صفا

نتائج فنیہ غریبہ

خط استوا کرۂ ارضک قوشاغیدر .

قطب شمالی ایله قطب جنوبی ارضک تام وسطندہ و طوغریدن طوغری یه شرق و غرب جہتلی استقامتنہ امتداد، و اوزرنده ساکن اولدیغمز یو و اراق ارضمزی دائراً مدار احاطہ ایدن غایت مرتفع برسلسلہ جبال یعنی برطاغ صرتی موجود در . بو طاغ تپہلری آلپ و هالایا طاغلی کی بلوطلره قدر صعود ایدن عظیم و جسیم ، قالی و بوزلی تپہلردن متشکل اولدینی کی سویہ عمومیہ ارضدن آشاغی و صولری قار و بوزہ انقلاب ایتیش درہ و نهرلری دخی محتوی دکلدر .

مع مافیہ بو طاغ سلسلہ سنک ارتفاعلری ، کرۂ ارض اوزرنده موجود و معلوم سائر بوتون مواقع مرتفعہ یی پک کریده براقہ جق درجہ ده یوکسک و بالادر . قطب شمالیدن جنوبہ متوجہاً سیر و حرکت ایدن برسیاح ، دها سیاحتک ابتداسندن اعتباراً بو مواقع و جبال مرتفعہ یه طرمانمغه باشلار . حالبوکه ، واسع دکزلر اوزرنده کی ایله سیر و سیاحت ایدن و یاخود قارہلرک مختلف و متعدد طاغ و تپہلری آشمغه چالیشان مذکور سیاح ، کنديسنک براز اعوجاجلی فقط هر حالده مستوی بر سطح اوزرنده سیاحت ایتدیکی ظن ایدر . اکر ، بو سیاحه ، ایچنده سیاحت ایتدیکی کمی یی سوق ایدن روزکارلر و یاخود ماکنه قوتلری ، او کمی یی غایت یوکسک برطاغ تپہسنه سوق ایتدیکی یعنی بو قوتلرک کمی یی بویله فوق العاده مرتفع برسلسلہ جبالک تپہسنه چقمغه زور لادینی سویلنسه ، هم کنديسی و هم ده عین زمانده انکله کمی داخلنده سیاحت ایدن سائر یو جیلر قهقهه لرله کولرلر و بوضورتله اوزون دکزلر سیاحتلری نیک انسانک فکر و اعصابی اوزرنده حاصل ایتدیکی بار اضطراب و ثقلت کسب خفت ایدر . کذلک هر کون بردوز صحرا و یاخود بر پور تقال قابوغنک اوزرنده کی یومر و جقلر نوعندن تپہلری آشهرق قارده ده سیاحت ایدن

بر آدمه کندوسنک فوق العاده مرتفع بر طاغک زروہسنه چقمق ایچون چالشدینی و اوغراشدینی حقیقی سویلنسه ، بونک بر حقیقت محضه اولدینی قبول ایتمکدن زیاده ، کندي مشهودات و مشاهداتنه اینانه رق ، بو طوغری فکری قبول ایتمز . فقط قطب شمالیدن جنوبه طوغری سیاحت ایدن بو سیاح ، کنديسنه القا ایدلک استلان او حقیقته ایستر اینانسون ایستر اینانماسون ، هر حالده کنديسنک آغر و فقط قطعی و امین بر حورتنده بر طاغ تپہسنه طرمانمغه اولدینی مثبت و محققدر . خط استوا سلسلہ جبال کرۂ ارضک قطبلری بیتنده اک مرتفع منطقه محیطه اولوب ، زروہلری قطبلردن ۱۳ میل یعنی (۲۱۰۰۰ متره) یوکسکدر .

بو منطقه مرتفعه زروہلری بعض مواقعده قارہلر یعنی طوپراقلر ، شهرلر ، ترلار ، صحرالر ، اورمانلر و نهرلر تشکیل ایتدیکی کی ؛ دیگر بعض مواقعده دخی مذکور تپہلری دکزلر و بحر محیطلر تأسیس ایدوب ، بو دکزلر اوزرندن بوتون دنیانک امتعه تجاریه سیله مملو بیکلرجه سفائن و مراکب سیر و سیاحت ایدرلر .

کرۂ ارضی بر قوشاق کی دائراً مدار احاطه ایدوب ، شرق و غربہ امتداد ایدن بو عظیم طاغ سلسلہ سنک طولی تقریباً (۲۵۰۰۰ یکر می بش بیک میل) یعنی (۴۰ بیک کیلومتره) در .

ایشته کرۂ ارضی تام وسطندن ، یعنی قطبلر مبدأ اعتباریه آنلرک هر برندن عینی بعد و مسافه دن ایکی مساوی قسمه تقسیم ایدن بو سلسلہ مرتفعه یه « خط استوا » ، « منطقه استوائیه » ، « بحر محیط استوائی » و یاخود « کرۂ ارضک قوشاغی » تعبیر اولنور .

خط استوا ، تکمیل طولنجه قطب شمالی و قطب جنوبیدن ۶۰۰۰ الی بیک میل (۱۰۰۰۰۰ اون بیک کیلومتره) مسافه ده اولدیغندن کرۂ ارضی ایکی مساوی نصف کردیه تقسیم ایدر . خط استوا ، کرۂ ارضی بویله جه ایکی مساوی قسمه تقسیم ایتسندن ، خط استوا اوزرنده

کائن بوتون محال و نمالکده ، بتون بر سنه نك ايامنجه ،
کيجه و کوندز ايکي مساوی قسمه منقسم بولمقده در .
بويله جه بر سنه نك نهايتدن ديگر سنه نك نهايته قدر
هر کون اون ايکي ساعت آيدنلق و آني متعاقب اون ايکي
ساعت قرانلق اولمق اوزره ، يکرمي درت ساعتدن عبارت
اولان « يوم تام » يکديکري ني ولي و تعقيب ايدر .

غروب شمسي تعقيب ايدوب ، بورالرده اقشام
قرانلغي و يا خود تعبير قيسي وجهله « شفق » تعبير اولنان
و کيجه نك حلواني اخبار ايدن او لطيف حالت سماويه ،
خط استوا اوزرنده يوق دينه جك درجه ده قيصر بر مدت
دوام ايدر . شمس غريدن غروب ايدر ايتمز ، قرانلق
بتون سرعتيله شرقدن يوكسله رك اسمان و اشياي بلاغات
وقت احاطه و استيلا ايدر . ايشته بو وجهله هر بری
اون ايکيشر ساعت امتداد ايدن ظلمت و نور ، يعني
قرانلق و آيدنلق يکديکري تعقيب ايدر و بر قرانلق
اون ايکي ساعت ايله بر آيدنلق اون ايکي ساعت ، بر آريده
کله رك ، نصف سياه و نصف ديکري بياض بر يکرمي درت
ساعتك کوني حاصل ايدر لر .

چکن عصر کي جيلري ارمسند خط استواني کي ايله
چمك بيوك بر شرف و موفقيت عد اولنور ، اثنای
مرورده بر طاقم مراسم اجرا ايديلور ایدی . شمديلرده
هر سنه بيکار ايله کي و يوز بيکار ايله يولجي خط استواني
دفعاتله مرور ايتمکده اولديغندن ، کيفيت مرور اسکی
اهميتي ضايع ايتمش ايسه ده ، بر کي ايله خط استوايه تقرب
ايتمکده ايکن اولديغي کي ، اني چکر کن ده قيودانلر بوتون
يولجیلره بو کيفيتي اخبار ايتمکدن واز چکما مشلر ،
و بويله جه خط استواني چمك هر حالده بر وقعه عظيمه
اولمق خاصيتي غائب ايتما مشدر .

خط استوا اوزرنده کره ارضك محوري اطرافنده کي
دورنك مقدار سرعتی

کره ارضك خط استوا محيطنك طول مستقيمي ،
حقيقته پك قريب اوله رق ۲۵۰۰۰ يکرمي بش بيك
ميل يعني ۴۰۰۰۰ قرق بيك كيلو متره اولوب ، و ارض

محوري اطرافنده غريدن شرقه بر دور تام اجراسي ايجون
يکرمي درت ساعته محتاج اولديغندن ، خط استوا
اوزرنده کي کافه نقاط ، شرقه طوغري ساعتده ۱۰۰۰
بيك ميل (۱۶۰۰ بيك التي يوز كيلومتره) دن زياده
بر سرعتله سكرتمك و قوشمقده اولديغي سهولتله
اکلا شيلور . بو حقيقتي تماميله اklamق ايجون ، فکر يکزي
آمر يقاي جنوبي نك غرب ساحلنده و تماماً اوزرنده بولان
« قوويتو » کي بر شهره ربط ايد يکزي . بويله شهرلر ،
انسانلر ، اولر ، قلهلر ، اناچلر و سائر کافه موجودات
دقيقه واحده ده ۱۷ ميل يعني ۲۷،۵ كيلو متره کي
باش دونديريجي و کوز قراريجي بر سرعت عظيمه ايله
شرقه طوغري دونه رك کيتمکده در .

بر ساعت ثانيه سنك هرايکي متعاقب ضربه سي ارمسند
شهر مذکور ربع ميل يعني ۴۰۰ متره بر سرعتله شرقه
طوغري نقل مکان ايتمکده در . اوکزدن و يقينمزدن
کچديکي زمان بيوك بر حش خوف و دهشتله کري
فرلايوب قاچديغمنر اک سرعتلي بر تيور يول تره نك
بومدهش سرعتي ، کره ارضك بو حرکت عظيمه سي ايله
مقايسه اولندوقده ، تره نك حرکتی عادتاً بر سهولتي
بو جک يرده سورونمه سي قبيلندن بر حرکت اولديغي
و بوسرعتك ، ارضك سرعتك انجق اون سکزده بری
درجه سنده اولديغي اکلا شيلور .

ارضك بو واسع محيطی يعني قوشاغی اوزرنده واقع
هر بر نقطه عيني درجه ده بر سرعتله شرقه طوغري حرکت
ايدر .

کيلر ، اوزرنده سير و سبج ايتديکي اوزاق و يقين
دکزلريله ، هر طرفدن کي به هجوم ايدن جسيم و شدتلي
طالغهلر ، کوك يوزنده هوای نسيمي ني ياره رق سرعتله
اوجان قوشلر ، مائي سماده حرکتسز کي طوران بلوطلر
وسطح بچردن تبخر ايله يوكسه لن دومانلر و سيسلر ،
هپ بر لکده عين سرعت و عين قوت و شدتله شرقه
طوغري اوچوب کيدر لر .

ایسه ده ، کره ارضك محال سائر سنده ، سرعت بودرجه غایه وعظیمه ده دكلدر .

هرهانكي برقطب ايله خط استوا بیننده کی مسافه نك نصفی قدر بعید بولنان محللرده ، سرعت ساعتده ۷۴۰ یدیوز قرق میل یعنی ۱۲۰۰ بیك ایکییوز کیلو متره ؛ یاخود دقیقه ده ۱۲ میل یعنی ۲۰ یکرمی کیلو متره قدردر .

انسانك صوك زمانلرده انحق واصل اوله ییلدیکی قطب شمالی ویاخود قطب جنوبی نقطه لینه الیقین بولنان محللرده ، طاعلر ، تپلر ، سابح بوز اطه لری یعنی « آیس برغ » لر ، صحرالر ، دكلزلر ، وسائر کافه اشیا انحق برسرعتی تیموریول تره نی سرعتیله دور وحرکت ایتکده درلر .

خط استوا اوزرنده

ضیای شمس وظل شمس

خط استوا اوزرنده شمس ، نادراً سمت راستن خارج بولنور . فی الحقیقه ، سنه نك برچوق آیلری ظرفنده شمسك سمت راستن خارج بواندیغی ، کوز ايله فرق ایتك همان همان ممکن دكلدر . دیگر آیلر ظرفنده ایسه ، شمس ، سمت راسته یعنی راصد ايله مرکز ارض بیننه موصول خط استقامته او قدر یقین بولنور که ، منطقه استوا اوزرنده بولنان مملکتلر اهالیسی دائماً عمودی بر شمس تحتند یشامقده درلر دینه بیلیر . بزم ساکن اولدیغمر عرضلرده کیفیت بسبتون بشقه در . بورالرده یازاورته سنده کونك تام وسطنده شمس نه قدار پك مرتفع ایسه ده ، خط عمودی استقامتند ، یعنی سمت رأس اوزرنده اولدیغی کوز ايله پك اعلا کوریه بیلیر .

قیش اوزته سنده ایسه ، شمس او قدر اچالیر که ، زوال زماننده انسان اونك کندی یوزینه باقدیغی وکولدیکنی ظن ایدر . بالعکس ، خط استوا اهالیسی هر نه قدار بتون سنه ظرفنده شمسی دائماً باشلری اوزرنده کورایسه ده ، « تیمور قازیق » تعبیر اولنان قطب یلدرینی هیچ کوره مزلر .

مع مافیه بوقدر عظیم برسرعتله حرکت ایدن بواجسام و موادك سطح ارضدن فرلایه رق آریلوب کیتمه سی ، ویاخود دیگر بر جسم ايله مصادمه ایده رك پارچه پارچه اولمه سی کی برتهلکه قطعاً موجود دكلدر . زیرا کره ارض اوزرنده کی بوتون موجودات اجسام واشیا کورولمز وحس ایدلمز فقط غایت قوی برزنجیر ايله اونا مربوطدر ؛ که بوکا بز « قوه جازبه » تعبیر ایدرز . بوقوت یعنی قوه جازبه ، کافه اشیا نی مرکز ارضه جذب وربط ایدر ؛ وضعیف وثقیل هیچ برشیتك سطح ارضدن فرلایوب ایریله رق کیتمه سنه قطعاً مساعده ایتمز ؛ و بوم تام ، یکرمی درت ساعت امتداد ایتك اوزره ثابت وباقی قالدقه ، بوجهندن هیچ برتهلکه ملحوظ ومتصور دكلدر .

فقط ، کون ، بوکونکی مدتك اونیدی قسمندن بر قسم قدرتناقص ایدر ایسه ، بوغیر مشهود زنجیر یعنی « قوه جازبه » یاخود « قوه عن المרכזیه » ، اجسام وموجودات اوزرنده کی قدرت جازبه وربطیه سی درعقب غائب ایدر ؛ وانسانلر ، حیوانلر وسائر کافه اشیا ، ارض ايله مناسبتلری همان قطع ایدرلر ؛ وبناء علیه ، هر بری یاسطح ارضك خارجنه فیلایه رق محو اولور ، ویاخود ارضك شمس اطرافنده کی سیاحت سریع سنه اشتراك ایده میه رك خارج از ارض قالیر . فقط بو ، هر حالده ، اویه برتهلکه در که : اندن کیسه نك هیچ بروجهله قورقه سی ایجاب ایتمز ؛ زیرا : قدیم بابل شهری خلقنك (مهروداح - بالادان) یاخود (نبوحادنه زار - بخت النصر) دورلرنده بابل قوله سی تعبیر اولنان بلع معبدینك اویوکسك قوله وتراسه لرندن اجرام سماویه نك طلوع وغروب لری ترصد ایتدکلری کونلردن بوکونه قدر ، کونلر ، مدت معتاده سی اولان یکرمی درت ساعتدن حتی برثانیه بیله غائب ایتماشدر .

مع مافیه ، هر نه قدار منطقه استوایه اوزرنده کی بوتون اشیا بر ساعت ظرفنده بیك میلدن (۱۶۰۰ کیلومتره) دن فضله برسرعتله دور ایتك صورتیله اوچوب کیتمکده

شمالدن جنوبه طوغری سیاحت ایدن سیاحلر ، ۲۲ مارت ائنالرنده متوسط بر عر ضده بولندقلری زمان ، علی الصباح ساعت التیده طلوع ایدن شمسک امر و نفوذیه انسانلر ، اغاجلر ، قلهلر ، طاغلر و سائر هر شیئی کولکله رینی تماماً غریبه طوغری اوزون خطرلر استقامتنده یرلر یازمش اولدیغی کورر . کونش یوقاری طوغری سیاحتده دوام ایتدجه کولکله ر قیصالیر ، وزوال زماننده یعنی نه زمان شمس سمت رأس استقامتده کلیر ایسه ، ایشته اوزمان کولکه اکی صولک قیصه طولنی الیر . حالبوکه خط استوا اوزرنده کی کافه ممالکده عین زمانده کولکله ر صفره منجر اولورلر . فقط زوال کچوب شمس غریبه طوغری ایلر یلدجه ، کولکله ر شرق طرفنده تکرار اوزامغه باشلار . و شمس حرکتده دوام ایتدجه انلرده طوللرینی اوزاتمقده دوام ایتدجه انلرده طوللرینی اوزاتمقده دوام ایدرلر ، و بو صورتده قبل الزوال حاصل ایتدکلی طوللری بتکرار اخذه سعی ایدرلر و غروب قدر بویولده دوام ایدرلر . اثنای غروبده بتون کولکله ر ، اولدیغی درجه ده اوزانورلر ، واک نهایت غروب شمس ایله برابر قرانلق ایچنده غائب اولوب کیدرلر .

مارت نهایتیله حزیران نهایتی آره سنده شمس علی التدریج سمانک جهت شمالیه سنه طوغری ایلر یلر . و بو آندن اعتباراً شمس آرتق تماماً شرق نقطه سندن طلوع ایدوب ، غرب نقطه سندن غروب ایتمکدن صرف نظر ایدر ایسه ده ، خط استوا اوزرنده زوالده دائماً ارضه عمود بر نظر عطف ایدر .

مارت نهایتلرنده زوالده هیچ کولکله سی اولمیان اجسام ، حزیران نهایتلرنده عین زمانده کندی طوللرینک بشده اوچی قدر طولده بر کولکه کوسترلر . مثلاً ۱۰۰ قدم (۳۰ متره) ارتفاعده بر حرما اغاجی مارت ایچنده زوال زماننده هیچ بر کولکله ممالک اولمدیغی حالده ، حزیران ایچنده ۴۴ قدم ۱۳ متره طولنده سایه انداز مهابت اولور .

ایلاک بهارده تماماً کولکله سز و بناء علیه بدبخت اولان بر آدم ، یاز ائناسنده شکلاً کندیسنک تماماً عینی فقط ایکی قدم ۶۰ سانتیم طولنده بر جوجه کولکله صاحب اوله رق متسلی اولور .

ممالک عثمانیه نیک شمال جهتلرنده زوالده کولکله ر دهک زیاده اوزون اولور . مثلاً ۴۰ درجه عرضنده ۱۰۰ قدم یعنی ۳۰ متره ارتفاعی اولان براغاچ ، یاز اورتهلرنده اوکله اوستی ۵۰ قدم ۱۶ متره بر کولکه اوزاتدیغی کیش اورتهلرنده دخی عین زمانده ۵۰۰ قدم ۱۶۰ متره بر کولکله ر صاحب اولور . یاز اورته سنده آغاجی اوچ ، اوچ بچی قدم یعنی بر متره کولکله ر تصرف ایده بیلن متوسط قاملی کولکه فقیری بر آدم ، قیش اورتهلرنده ۳۰ قدم یعنی ۱۰ متره طولنده بر کولکله حکم ایتمکله اعلان افتخار ایده بیلیر . حزیراندن ایلوله قدر خط استوا اوزرنده زوال سایه لری ، علی التدریج قیصالورلر ، زیر آرتق شمالدن جنوبه طوغری عودت ایدن شمس ، کوندن کونه سمت رأسه تقرب ایدر . و ایلول نهایتنده آرتق هر شی عمودی بر شمسک یاقیجی و قاورمچی ضیا و حرارتی التنده یاقوب قورومغه محکوم اولور . بولند تحلیلص کریبان ایسه ، انسانلر ایچون انجق او حرارتی تحقیقه یاردم ایده بیلان بر سپر التنده بولمقله ممکن اولور بواثناده نه بر شهرک کولکله لی سواققلری ، نه بر طاغ چیققیسی ، نه بر تپه نیک کولکله سی ، نه بر طاغ زروه سنک سرین هولسی ، نه محشتم و سایه انداز اغاجک سپری او یاقیجی و اماته ایدمچی ضیا و حرارتدن یورغون و بیتاب دوشن بر انسانه و یاخوده حیوانه ملجأ اوله بیلیر . بناء علیه ممالک حاره ده ، یعنی زوال زمانلرنده اشیا و اجسامک کولکله سز بولندیغی عرضلرده ممالکده زوالدن بر زمان اولدن باشلایه رق بر زمان صکره قدر بتون فعالیت و معاملات بشریه طورر . هر کس بوزمانده بلا اختیار ساکن طوره رق اومدتی بین النور و الیقطه امراره مجبوریت حس ایدر . منطقه استوائیه ده شمس ایلولدن کانون اوله قدر سماندن ، سمت رأسدن

ماناو صاتيلمش آغايه مسافر اولدى . اونك « يوبازلر خانى » نده ديكر بير ارقداشيله مشتركا استيجار ايتمش اولدقلى بير اوداسى واردى . بو اودا اوقدار كوچوك ايدى كه ايچنده ، يونس خوجه نك آنجاق اشياىنى قويايله جك قادار فضله بيرير بولايديلر . بناء عليه يونس خوجه كيجه ي صاتيلمش آغايه مخصوص ياتاغك نصفنده كچير مكه مجبور اولدى . ايرتسى كوني صاتيلمش اغانك دلاتيله ، حامل اولديغى يكانه توصيه ي ، صاحبه ويرمك ايچين ، ايستانبول سوقاقلرنده بير خيلى طولاشديلر . زواللى صاتيلمش آغا امين او كي وجوارندن ماعدا ايستانبولك باشقا هيچ بير طرفى ييلمديكى ايچين ، آرادقلىنى هر راست كلنه صورار والديغى مثبت ويا منفي جوابلر اوزرينه يوللرينه دوام ايدرلردى . يونس خوجه يه كلنجه : او ، چسكانه نك بلنه زنجيره باغلانمش بير آي ياوروسى كي ، صاتيلمش آغانك نه لنى طومش ، هر قابالق ويا آرا به كوردكه هان صاتيلمش آغانك آرقاسه قاجار و مرقومك بو حالى زواللى صاتيلمش آغايي بوسبتون يزار ايدر ايدى . بونلر ، نهايت ارادقلىنى نورعثمانى جامعنده بولديلر . بو ، نورعثمانى ده مدرسه ده كي مدرس احمد خيرى افندى ايدى . مومى اليه پاترونه نك ايام طغياننده كاغذخانه وجوارنده كي اكبره مخصوص قصر لرله اسكدارده كي مطبعه نك تخرينه فتوى ويرن خيرى افدينك اخفادنن ايدى . مدرس افدينك حضورينه چيقديلر . هرايكيسى نهل اوپدو كدن ويونس خوجه نك معلمى طوقاق حافظك مكتوبى ويرد كدن صوكره كدرى كدرى چكيله رك ، اودا قابوسنك آچيله حق قانادى او كنده ديزچو كوب او طورديلر اوصورتده كه آرتق قابو اچيله ماز ايدى .

مدرس افندى بو ايكي قونيه لينك كنديسنة قارشى ايفا ايتدكلرى بوفرط تعظيم ، غرورينى پك زياده اوقشامقله برابر ، يابانليكلىرينه كولمكدن ده منع نفس ايده ميوردى . بناء عليه كيروب چيقانلره مانع اولماق ايچين برازدها صوله اچيلمالرينى سويلمكه مجبور اولدى . هر ايكيسى ديزلريه يورومك شرطيله مدرسك امرينى ايفا ايتديلر .

جنوبه طوغرى تباعد ايدر . شمدي بوحر كتنده دوام ايتدكه ، اوكله وقتى صاقل اولان كولكلر اختفا كاهلرندن چيقهرق ، بيوك بر قورقو و خلعجان ايله شماله طوغرى اوزانمغه باشلارلر ؛ وسنه نك نهايتنده اولجه شمال جهته تحديد ايتدكلرى طوللرينى بودفعه يعنى آلتى آي صكره جنوبه اوزانمغه جسارتياب اولورلر .

اوكله كونشى و اوكله كولكه سنك خط استوا اوزرنده تبديل مكان سنويسى ، شويله جه خلاصه ايديله بيلير :
كانون ثانى ابتداسنده خط استوانك آزقوجو جنوبنده بولنور ، واجسامك طول حقيقلرينك بشده اوجى درجه سننده اولان كولكلرى ، ارض اوزرنده شماله طوغرى امتداد ايدرلر .

مارت نهايتنده زوالده شمس سمت راس اوزرنده بولنور ؛ بناء عليه دنيا و بوتون موجودات كولكه سزدرلر .
كانون ثانيد شمس اك جنوبى بر موقعده بولنديغى كى ، تموز نهايتنده دخى سماده اك شمالى بر محله بولنور :
وبناء عليه ، كانون ثانيد كولكلرينى جنوبه طوغرى كوندردلر .

ايلولده ، شمس تكرار سمت راسه كلير ، و بويله جه بتون كائنات زوالده بي سايه بولنورلر .

مع مافيه ، بو كيفيت اصحاب اخلاقدن اولان انسانلر ايله قوانين طبيعيه دائما مطيع و منقاد اولان اجسامه مخصوص اولوب ، فضائل اخلاقيه دن معرا بولنان سرسريلر ، اويله بر زمانده بيله سايه سته التجا ايد جك بريسنى بولمقده مشكلات چكمزلر .

ع . س .

يونس خوجه مظهرى



يونس خوجه طلبه

يونس خوجه ايستانبوله كلديكى زمان ، اقرباسندن